

## Mateo 26




Seis tsawan  
asa Pascua  
jegatin ai,  
Jesusak Betania  
weuwai, Lázaro  
jakamtai ni inankiuwa  
nuna pujutaijin. Nuninai  
María kugkuin senchi akik,  
ayatak nardo najanamun,  
jimaituk litro juki  
tajuntun, Jesusa nawen  
ukatuk, niina intashinig  
ujgtujui. Dutikam kugkuntig  
jegan akijuauwai.



Nuna timatai Judas Iscariote, doce aina nuiya jiinki  
weuwai sacerdote apuji aidaujai Jesusan wajuk  
sujumainaita nuna chichaman  
umiktatus. Nu tama antukag  
shiig anejasaju, nunikag  
kuichkin susatatus  
anagkuawaju. Dutikam  
Judaschakam  
wajuk yupichu  
sujukajak tusa  
egatu.




Tiajam jintintaiji aidaushkam Jesús tibaunak imatiksag Pascua yuwatnunak umikajui. Yuwinak pekagbaunum, Jesús pagkan juki Apajuin see tii, puuká, jintintaiji aidaun suwak: Ju yuwatajum, juka mina iyashjun iwainawai; tusa, copa juki Apajuin see tii, suwak: —Ju copa juiya ashí atum uwagtajum; wagki juka mina numpajui, yamajam chicham apaamunum kuashat aents tudaujin tsagkugnagti tabaunum ukajatta nuwai.




3

Junashkam Jesús tiuwai: —Simón, Simón Iwanch segamne, atumin trigo pegatia numamtuk awatamkagtatus; tujash wi aminak segatmagme, dekaskeapi tabaugmia nunú mijakaim tusan. Ame minai ataktú anentaimjam, yatsum aidaush minaig ebetmam jatnume tusan yaigminum tau asan.



4

Tama ni ayaak: —Apuh, wika umintsan wekaejai cárceel jujamainakuish nuniachkush mantamainakuish amijai jakatasan, tau. Tutai Jesús ayaak: —Pedro, yamai kashia juik atash eke shinatsaig, Jesusnak waintsamjai tusam kampakumá ugtuktatme, tiuwai.



5

Nunik Jesusak ditajai ijunag Getsemani tutainum jegaa, jintintaiji aidaun chichajak: —Jui ekeemsatajum, nuniagmin wi awi wenu Apajuin ausatjai. Nunik: “Mina Apajuh, ashí waji aina duka ame dutikmainaitme, wi waitmainaitag nuwig agkanmitkajuata, tujash wi wakegamuk ahati, ame wakegamu atí”, tiuwai.



6

Nunin asa Judaschakam, kuashat suntag aidaun yajuak nuigtú sacerdote apuji, fariseo aidau ditashkam, jega Apajuí ememattain kuitamin aidaujai ishiakbaujai, lampanan nuigtú jii ekemajag, nagki tinamdaekag Jesusan kautuawajui. Tuinau dita aina nuiya makichik sumo sacerdote apuji inaken espadayai kuwishí untsujin tsupigkauwai. Dutiktai Jesús chichajak: —Maake, idaisatajum. Tusa kuwishí tsupigkamun juki ataktú anujtuk pegkeg awajtusui.



7

Dutikawag Jesusa achiká jukiag sumo sacerdote jeen egegawaju, dutikiagtai Pedroschkam ikaag patataetus wegau. Nuwi, jegá agaajin jii ikapajag pekagbaunum, Pedroschkam ditajai anamak ekeemsau.



8

Titatman sumo sacerdote inake aina nuiya makichik, Pedro kuwishí asankauwa nuna patayí chichajak: —éWi amina ajak ajakbaunum Jesusjai wajamin wainkachmakiajam? tau. Tamashkam Pedrok ataktú uuku, nuniaig atash shinukui. Nunik Pedrok nuiya jiinki, senchi kajeká buutiuiwai.




9

Ashí aents aidauk wajajag, Jesusan jukiag Pilato pujamunum ejegawaju. Tiagtai Pilato iniak: —éAmekaitam Rey judío aidaunu? tau. Tama Jesús ayaak: —Duka ame tujutme, tiuwai. Pilato Jesusan akupkata tau asa, ataktú awentsag ditan chichajak: —Dekas Jesusan akupkatjai, tau.

Pilato tutai nuní senchi untsumkag: —iAchigtá!

iAchigtá! wajaidau.




10

Tiagtai Pilatoshkam achigtinme tusa ditan susauwai, dutikantai suntag aidau Jesusan jukiajui. Dutikam Jesusak cruz ni achinjatnun yanakí jiinkiuwai, "Buuk sakaju" tutainum weak, hebreo chichamnum Gólgota tutaiya nui.




11

Nuwi achijajui, dutikainak niijai nuigtú jimajan achijag, Jesusan ejapeawag awajawajui.



12


Etsa suwe wajas ai, jega Apajuí ememattainum jaanch ejaamu ichiinak jimaituk kanakui. Nuniai Jesús senchi untsumak: —iApawah, amina uwegmin mina wakanjunak idajjai! tau. Nuna tusa jakauwai.



13

José arimateanmaya, apu chichaman inagnau aina nuiya eme anentsá diitai, niishkam Apajuí inamjatnun dakau asa, ajankas Pilaton jegajua Jesusa iyashin segauwai.


Dutikam makichik sabanan sumak, Jesusa iyashin kuwakí juki pempeajui; dutika ukumatai kaya tai umikbaunum egkea, kaya muuntan apapetug waajin peni ukukiuwai.



14

Kashinia nu, tsawan ayamtai tsawagtin asamtai, sacerdote apuji aidau nuigtú fariseo aidaujai Pilaton jegajuawag: —Apuh, adeagji wait aaya nunú, iwaaku pujus chichaak: "Kompatum tsawan asan nantakt-

inaitjai", tuuyi.



15


Timatai ditashkam wegag ukusbau kaya apujtukbaunak shiig asakug, nui suntag kuitamkatin aidanashkam batsatkiajui.



16

Tsawan ayamtai nagkaemaki tumig tsawagmatai, María magdalanmaya, tikich Mariajai Jesús ukusbaun diisagtasag weaju. Nuniamunum senchi ugkauwai, wagki Apajuí angelji nayaimpinmaya

akaegu asamtai, nunik taak kayan ekek ni nui ekeemsauwai. Imanun wainkag suntag kuitamak batsatuk ishamak kujagkag, jakaujai betek kakekajui.



17

Nunikaju ai, ángel nuwa aidau chichajak: —Ishamkaigpajum, wika dekajai atum Jesusan achijagma nu egajum nunak. Juig atsawai, nigka nantakne ni timaya nunisag. Jui tantajum Apu Jesusan ukusagma

nunú diistajum.




18

Nu tima nuwa aidashkam, ukusbaunmaya jiinkiag ishamainayatak shiig aneasag tupikaidau, Jesusa jintintai aidau chichaman ujakagtatus. Nuniai Jesús wantintuk ditan kumpamauwai. Tuja ditashkam Jesusan jegaantag dawenum pagkukag emematuidau.




19

Inagnamunum once aina nunú mesanum pekajun wantintuku, nunik dekaskeapi tuinachu asamtai kakaakan chichagkauwai, nantakiu wainkau aidau ujamash dekaskeapi tichaju asagmatai. Apu Jesús nuna tusa inagnak, nayaim weak takuniuwai; nunik Apajuí untsujin ekeemsauwai.



20



Wagki Apajuí ashí aentstin senchi anejatu asa, Uchijí makichkiuchia nuna sujamsauwai, ashí niina dekaskeapi tuidauk megkaekashtinme, ayatak pujut nagkanchau ajitnume tau asa.

54

60

21

Romanos 3:23 Ashí aentstik betek tunamaku asaja, Apajuí diismak pegkejak wantinkachuitji.

Romanos 6:23 Tudauk Apajuyai datumkagtawai; untsu Apajuí anenjauch sujama duka iina Apuji Cristo Jesusjai ijutkau pujamunum pujut tuke atin juwamua nuuwai.

Hebreos 9:27 Tuja nunisag aents aidaushkam makichkia jakati tibau ainawai, nunik dui nagkaemamainai Apajuyai dekaemamatatus.

Efesios 2:8,9 Wagki atumek dekaskeapi tabauwai wait anenjá uwentikjamu ainagme; nunak atum pegkeg takasbauwai dutikachui, Apajuí nigki anenjauch uwemtanak amasajui, duka ii pegkeg takasbauwai uwemat jukichu asaja, ii emematmamainuk makichkish atsugtamji.

22

Romanos 10:9,10 Ame wenimin chichakam: Jesusak mina Apujui takum, anentaiminish Jesús jakauwa nunash Apajuyip dekas inankiuwaita takumek uwemjau atatme.

Wagki anentainum dekaskeap nunikuita tabaunum pegkeg ainagme tama ainaji. Tuja, iina wenin chichaká Jesusak mina Apujui tabaunum uwemtak junawai.

Juan 3:16,17 Wagki Apajuí ashí aentstin senchi anejatu asa, Uchijí makichkiuchia nuna sujamsauwai, ashí niina dekaskeapi tuidauk megkaekashtinme, ayatak pujut nagkanchau ajitnume tau asa. Wagki Apajuik Uchijinak ju nugka juig aents aidaun suwimkan susati tusag awemachui, ayatak aents aidau niini uwemtan jukitnume tusa awemauwai.

23

1 Juan 5:11-13 Juuwai etsegtamua duka: Apajuí pujut tuke atinun sujamsamua nu, nunú pujutak niina Uchijin awai.

Apajuí Uchijijai ijutkau pujuidautik, pujut tuke atina nu ajutjamainaji. Untsu Apajuí Uchijijai ijutkau pujuinachuk, pujut tuke atina duka atsujuinawai.

Jujú aina junak Apajuí Uchijiya nu dekaskeapi tuidau asajum, pujut nagkanchau jukiuwaitjum nunú aidautigmin dekaatnume tusan agatjime.

24

Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen.

Aguaruna Bible (agr) © 2020, Wycliffe Bible  
Translators, Inc.

<https://live.bible.is/bible/AGRTBL/MAT/1>

©2024 Bible for Children, Inc.  
www.M1914.org www.bibleforchildren.org

25